

*P*buletin **PARLIMEN** *MALAYSIA*

BP. BIL. No. 5/Siri1/T2011 | ISSN 1985-3513



Menjunjung Kasih



**Seri Paduka Baginda Yang di-Pertuan Agong Ketiga-belas
Al-Wathiqu Billah Tuanku Mizan Zainal Abidin Ibni Al-Marhum Sultan Mahmud
Al-Muktafi Billah Shah**

**Seri Paduka Baginda Raja Permaisuri Agong
Tuanku Nur Zahirah**

SIDANG REDAKSI

Penasihat	Y.B. SENATOR TAN SRI DATO' ABU ZAHAR BIN DATO' NIKA UJANG <i>Yang di-Pertua Dewan Negara</i> Y.B. TAN SRI DATUK SERI PANGLIMA PANDIKAR AMIN BIN HAJI MULIA <i>Yang di-Pertua Dewan Rakyat</i>
Ketua Pengarang	DATO' NGAH BIN SENIK <i>Ketua Pentadbir Parlimen Malaysia</i>
Pengarang	AHMAD FAUZI BIN HAJI MUSTAFA <i>Pegawai Penyelidik Parlimen Malaysia</i>
Penolong Pengarang	MUSTAFAR RAMDZUAN BIN ZAKARIA <i>Pegawai Penyelidik Parlimen Malaysia</i> WAN NOORZALEHA BINTI WAN HASAN <i>Pegawai Penyelidik Parlimen Malaysia</i> ROZANA BINTI ABDULLAH <i>Pegawai Penyelidik Parlimen Malaysia</i>
Jurufoto	HAJI ABU BAKAR BIN HASAN <i>Jurufoto Parlimen Malaysia</i>
Terbitan	PARLIMEN MALAYSIA Artikel yang disiarkan dalam BULETIN PARLIMEN MALAYSIA tidak semestinya mencerminkan pendapat Sidang Redaksi, tetapi lebih merupakan pendapat penulis.
Reka Bentuk dan Cetakan	PERCETAKAN WATAN SDN. BHD.

Sidang Redaksi BULETIN PARLIMEN MALAYSIA mengalu-alukan sumbangan artikel dan maklumbalas. Sila kemukakan kepada:

BULETIN PARLIMEN MALAYSIA,
Unit Penyelidikan, Tingkat 5 Bangunan Parlimen,
Jalan Parlimen, 50680 Kuala Lumpur.

Tel: 03-2072 1955 **Fax:** 03-2026 9785

Email: buletinparlimen@parlimen.gov.my



MUKA DEPAN

RUANG tempat duduk dalam Dewan Rakyat kelihatan gagah dan simbolik kepada sistem demokrasi negara dan Raja Berperlembagaan. Dewan Rakyat mempunyai 222 kerusi mewakili kawasan Ahli-ahli Parlimen Dewan Rakyat. Kelihatan siling bersimen Dewan Rakyat yang cukup luas dan menirus menyerlahkan seni struktur bina bangunan Parlimen Malaysia yang bersejarah ini.

LAYSIA
Siri1/T2010 | ISSN 1985-3514

KANDUNGAN

DARI MEJA PENGARANG	3
PERUTUSAN YANG DI-PERTUA DEWAN NEGARA	4
PERUTUSAN YANG DI-PERTUA DEWAN RAKYAT	5
PERUTUSAN MENTERI DI JABATAN PERDANA MENTERI	6

Majlis Rasmi

Tahniah Perlantikan Dewan Rakyat	8
Tahniah Perlantikan Dewan Negara	8 - 9
Memori	9
Majlis Perasmian Parlimen Mesyuarat Pertama, Penggal Ketiga, Parlimen Kedua Belas	10 - 11
Titah Seri Paduka Baginda Yang di-Pertuan Agong	12 - 15
Tahniah Perlantikan Yang di-Pertua Dewan Negara Ke-16	16
Majlis Pelancaran Pameran Kesedaran HIV & AIDS oleh Yang di-Pertua Dewan Negara, Y.B. Senator Dato' Ir. Wong Foon Meng	17
Majlis Perasmian Fasa Ke-4 Perlembagaan & Forum anjuran Parlimen Malaysia dan Majlis Peguam Malaysia	17
Majlis Jasa Mu Dikenang Yang di-Pertua Dewan Negara ke-15	18
Lawatan TYDDR untuk melihat Kerusi Parlimen pemberian Kerajaan British di Muzium Negara	19
Penyerahan Tugas Ketua Pentadbir Parlimen yang baru	19
Gambar sekitar Ucapan Bajet	20
Majlis Makan Malam sempena Jubli Emas Parlimen Malaysia	20 - 21
Lawatan pemimpin dan tetamu luar dan dalam negara ke Parlimen Malaysia	
- Kunjungan Muhibbah HE. Sergey Mironov Chairman of the Federal Assembly of the Russian Federation	22
- Kunjungan Hormat Delegasi Dewan Undangan Negeri Sabah	22
- Lawatan Muhibbah Special Commiteee on Budget and Accounts from National Assembly of Korea	22
- Kunjungan Hormat The National Council of Bhutan	23
- Kunjungan Hormat Delegasi The National People's Congres of The People Republic of China	23
- Kunjungan Pelajar Universiti Teknologi Mara (UiTM) bersama Menteri di Jabatan Perdana Menteri di Parlimen Malaysia	23
- Ahli Kongres Amerika Syarikat Hon. Eni Faleomavaega Membuat Kunjungan Hormat Kepada Menteri di Jabatan Perdana Menteri	24
- Kunjungan Hormat Delegasi The Legislative Chamber of The Republic Uzbekistan diketuai Speakernya, HE. Madam D Tashmuhame Edova	24
- Kunjungan Hormat Delegasi Senate Republik Kazakhstan	24
- Kunjungan Hormat Duta Sweden, HE. Per-Arne Hjelmborn	25
- Lawatan Muhibbah Delegasi daripada Pejabat Speaker Dewan Undangan Negeri Sabah	25

DARI MEJA Ketua Pengarang

- Lawatan Program Sambil Belajar oleh Delegasi Mahasiswa Sarjana Sains Politik Universiti Kebangsaan Malaysia (UKM)	25
- Lawatan Kerja Pegawai Jabatan Parlimen dari negara Ghana, Maldives dan The Kenya National Assembly	26
- Kunjungan Hormat Duta Cyprus, PYT Nafsika Krousti kepada YDPDR	26
- Lawatan Hormat Persatuan Pengakap Malaysia ke Parlimen Malaysia	26

Artikel

Ucapan Bajet 2011 oleh Y.A.B. Perdana Menteri Malaysia merangkap Menteri Kewangan	28 - 37
Kuasa Parlimen Penentu Bajet Negara oleh Ahmad Fauzi Mustafa	38 - 40

Majlis Sosial

Lawatan kerja Warga Parlimen ke DUN Melaka dan Kem Terendak, ATM	42
Majlis Maulidur Rasul di Putrajaya	43
Kursus Biro Tatanegara Warga Parlimen di Kuala Lipis	44
Majlis meraikan kejayaan pemain perseorangan utama negara yang juga pemain nombor 1 dunia, Dato' Lee Chong Wei yang berjaya merangkul Seluruh England	44
Perlawanan persahabatan Bola Sepak Pasukan Veteran Parlimen Malaysia beraksi di Stadium Nasional Bukit Jalil, Kuala Lumpur	45
Rumah Terbuka Aidilfitri Yang di-Pertua Dewan Negara di Dewan Serbaguna Parlimen Malaysia	46
Majlis Sambutan Hari Raya Jabatan Perdana Menteri di Dewan Perdana, Pusat Konvensyen Antarabangsa Putrajaya	47
Jamuan Aidilfitri Warga Parlimen Malaysia	48 - 49
Majlis Sambutan Maal Hijrah 1433H Peringkat Kebangsaan di Pusat Konvensyen Antarabangsa Putrajaya	50
Majlis Pelancaran Buku "Evolusi Parlimen dan Evolusi Speaker Parlimen Malaysia" Nukilan Y.B. Datuk Dr. Wan Junaidi Tuanku Jaafar	50
Kejohanan Futsal di Antara Pasukan Parlimen Kuala Krau dan Parlimen Malaysia di Kuala Krau, Pahang	51
Majlis Pelancaran Buku "Islam & Persoalan Rasuah" Nukilan Y.B. Senator Tuan Mohamad Ezam Mohd Nor dan Sapto Waluyo di Bankuet Parlimen Malaysia	51



YBHG. DATO' NGAH SENIK
Ketua Pentadbir Parlimen Malaysia

Assalamualaikum Warahmatullahi Wabarakatuh

SALAM perkenalan bagi pembaca Buletin Parlimen Malaysia edisi kelima. Sebagai Ketua Pengarang, saya berharap setiap kandungan dalam penerbitan Buletin Parlimen Malaysia memberi maklumat tambahan mengenai institusi Parlimen. Kali ini, paparan muka depan Buletin Parlimen Malaysia ialah lanskap dalaman Dewan Rakyat. Dewan Rakyat yang juga dikenali sebagai "Lower House" adalah tempat kepada 222 Ahli Parlimen, yang mana setiap ahlinya mewakili satu kawasan pilihan raya atas dasar sokongan undi rakyat.

Jelas menunjukkan transformasi berlaku daripada Parlimen Pertama di mana sebanyak 104 kerusi diperuntukan telah meningkat kepada 222 kerusi bagi Parlimen Kedua-belas. Ia juga menunjukkan suatu rangsangan yang boleh menggerakkan kekuatan dalaman buat Dewan Rakyat untuk terus berkhidmat bagi meningkatkan profesionalisme suara rakyat untuk rakyat.

Sehubungan itu, Buletin Parlimen Malaysia edisi kali ini, turut memuatkan aktiviti-aktiviti rasmi dan majlis sosial termasuklah pelantikan Ahli Dewan Rakyat dan Ahli Dewan Negara yang baru sepanjang tahun 2010, di samping gambar sekitar ucapan Bajet 2011, majlis makan malam sempena Jubli Emas Parlimen Malaysia serta lawatan pemimpin, tetamu luar dan dalam negara sepanjang tahun lalu.

Saya akhiri dengan serangkap pantun,

Dewan Rakyat Dewan Negara,
Bajet dan undang-undang diluluskan di sini,
Buletin Parlimen disambut dengan gembira,
Memuatkan berita dan maklumat terkini.

Sekian. Terima kasih.

Kata Alu-Aluan

Yang di-Pertua Dewan Negara



Assalamualaikum Warahmatullahi Wabarakatuh

ALHAMDULILLAH, saya mengucapkan kesyukuran kepada Allah SWT kerana dengan izin-Nya jua Parlimen Malaysia dapat menerbitkan Buletin Parlimen Malaysia. Sesungguhnya kelahiran Buletin Parlimen Malaysia kali ini amat bersejarah dan bermakna kepada saya setelah dilantik Yang di-Pertua Dewan Negara pada 26 April 2010 lalu.

Sebagai Yang di-Pertua Dewan Negara, saya berazam untuk menunaikan kewajipan sebagai Yang di-Pertua Dewan Negara dan berjanji akan memelihara, melindungi serta mempertahankan Perlembagaan Negara. Pengalaman selama 9 tahun sebagai Ahli Dewan Undangan Negeri (1986 – 1995); termasuk sebagai EXCO selama 4 tahun (1986 – 1990); dan Ahli Parlimen dari tahun 1995 hingga 1999; Pengerusi RISDA (1997 – 2003); Pengerusi Lembaga Pertubuhan Peladang (LPP) dari 2007 hingga 2010 serta lain-lain pengalaman akan saya manfaatkan demi keutuhan dan kemantapan amalan demokrasi Berperlembagaan di negara kita Malaysia tercinta.

Menyingkap pengalaman mempengerusikan sidang Dewan Negara, pada hemat saya amat membanggakan dari segi penyertaan dan mutu perbahasan ahli-ahli Dewan Negara yang ada sekarang, di mana mereka mampu menyumbang kepada kemajuan negara dan rakyat keseluruhannya.

Akhirnya saya mengucapkan setinggi-tinggi tahniah di atas penerbitan Buletin Parlimen Malaysia kali ini dan saya percaya Buletin ini akan memberikan manfaat kepada semua, terutama warga Parlimen dan awam.

Dengan ikhlas

Y.B. Senator Tan Sri Dato' Abu Zahar Dato' Nika Ujang

Kata Alu-Aluan

Yang di-Pertua Dewan Rakyat



Assalamualaikum Warahmatullahi Wabarakatuh dan Salam Sejahtera.

SYUKUR ke hadrat Allah SWT kerana dengan izin dan limpah rahmat-NYA, Buletin Parlimen Malaysia dapat diterbitkan bagi kali yang ke-5. Saya sesungguhnya amat mengharapkan agar kelahiran edisi Buletin kali ini dapat memberikan gambaran serta maklumat yang jelas mengenai peranan Parlimen Malaysia dalam mendaulatkan sistem demokrasi di negara ini.

Sebagai individu yang bertanggungjawab menjaga kedudukan dan kedaulatan Parlimen Malaysia, saya sentiasa menggalakkan penyertaan Ahli-ahli Parlimen dalam setiap perbahasan yang sedang berlangsung. Namun, saya merasa agak kesal kerana walaupun Parlimen kali ini telah masuk ke penggal yang ke-3, masih ada lagi wakil-wakil rakyat yang menggunakan Parlimen sebagai pentas politik.

Malah, ada yang sengaja menggunakan Peraturan Mesyuarat secara tidak betul bagi menegakkan hujah mereka dan ada pula yang lebih terdesak sehingga sanggup melemparkan tohmahan yang keterlaluan kepada Yang di-Pertua Dewan apabila dilarang menggunakan Peraturan Mesyuarat yang tidak sepatutnya.

Yakinlah bahawa usaha menjadikan Parlimen Malaysia sebagai Parlimen yang bertaraf dunia atau “World Class Parliament” tidak akan dapat dicapai hanya dengan memperkenalkan proses serta prosedur yang baru dalam pelaksanaan persidangan semata-mata. Begitu juga, tanggungjawab berkenaan tidak boleh diletakkan di bahu Yang di-Pertua serta Timbalan Yang di-Pertua Dewan sahaja.

Sebaliknya, oleh kerana sikap serta gelagat Ahli Parlimen menjadi ukuran kepada pencapaian taraf tersebut, maka adalah menjadi tanggungjawab setiap Ahli Parlimen untuk merealisasikannya dengan “mentality” yang baru.

Saya mengharapkan agar usaha menerbitkan Buletin Parlimen Malaysia ini akan membantu dalam memberi kefahaman terhadap peranan dan tanggungjawab semua pihak dalam mendaulatkan institusi Parlimen. Selamat membaca.

Sekian, terima kasih.

Y.B. Tan Sri Datuk Seri Panglima Pandikar Amin Haji Mulia



Kata Alu-Aluan

Menteri di Jabatan Perdana Menteri

Assalamualaikum Warahmatullahi Wabarakatuh

Bersesuaian dengan konsep “Separation of Powers”, Parlimen Malaysia merupakan simbol demokrasi terunggul Negara bersesuaian dengan usaha untuk menjadikan Negara ini sebagai sebuah Negara maju. Penekanan dari segi pembangunan intelektual dikalangan ahli-ahli Parlimen amat dititikberatkan disamping kecekapan di dalam pengurusan dikalangan warga Jabatan Parlimen Malaysia itu sendiri. Usaha murni ini akan menjadikan Malaysia sebagai sebuah Negara demokrasi yang maju dan dicontohi oleh Negara-negara lain.

Ilham YAB Perdana Menteri kita yang mahu melihat 2011 sebagai tahun transformasi, sudah pasti memberi suntikan semangat kepada semua yang terlibat untuk bekerja dengan lebih keras dan bersungguh-sungguh agar institusi Parlimen akan menjadi institusi terhebat di Negara ini. Transformasi yang dimaksudkan perlu diterjemahkan di dalam seluruh aspek seperti tingkah laku, hujahan dan keputusan yang bernas oleh warga Parlimen untuk memastikan eko-sistem pendemokrasian yang efektif.

Dengan komposisi dua dewan tertinggi iaitu Dewan Rakyat dan Dewan Negara, adalah merupakan formula yang terbaik untuk menjadikan Parlimen sebagai satu institusi yang lebih terbuka dan berkelas dunia. Kematangan dan sifat profesionalisme warga Parlimen perlu dijalinakan demi memastikan impian dan aspirasi rakyat dapat dimakbulkan. Oleh itu, setiap pandangan dan kritikan membina diamati dan di ambil kira dari pelbagai sudut demi kebaikan Negara dan rakyat.

Dengan tekad dan usaha yang digemblengkan oleh semua pihak, saya percaya misi dan visi Parlimen Malaysia sebagai suara rakyat diabad ke-21 akan dapat direalisasikan.

Sekian. Terima kasih.

Salam 1Malaysia.

Y.B. Dato' Seri Mohamed Nazri Tan Sri Abdul Aziz

MAJLIS RASMI



Perlantikan Dewan Rakyat

SENARAI AHLI DEWAN RAKYAT YANG MENGANGKAT SUMPAAH PADA TAHUN 2010


1. **Y.B. DATIN LINDA TSEN THAN LIN**
Parlimen Batu Sapi
(Mengangkat sumpah pada 09.11.2010)
2. **Y.B. TUAN P. KAMALANATHAN a/l P. PANCHANATHAN**
Parlimen Hulu Selangor
(Mengangkat sumpah pada 07.06.2010)
3. **Y.B. TUAN WONG HO LENG**
Parlimen SibU
(Mengangkat sumpah pada 07.06.2010)



Datin Linda Tsen Than Lin

Tuan P. Kamalanathan A/L P.
Panchanathan

Tuan Wong Ho Leng

Senator Puan Doris Sophia Ak
BrodiSenator Tan Sri Abu Zahar Bin
Dato' Nika UjangSenator Dato' Mohammed Najeeb
Bin AbdullahSenator Dato' Palanivel A/L K.
GovindasamySenator Dato' Abdul Rahim Bin
Abdul RahmanSenator Puan Hajah Noriah Binti
Mahat

Perlantikan Dewan Negara

SENARAI AHLI DEWAN NEGARA YANG MENGANGKAT SUMPAAH PADA TAHUN 2010 (setakat 15 Disember 2010)

1. **Y.B. SENATOR PUAN DORIS SOPHIA AK BRODI** - SUPP
(Mengangkat sumpah pada 12.03.2010)
2. **Y.B. SENATOR TAN SRI DATO' ABU ZAHAR BIN DATO' NIKA UJANG** - UMNO
Yang di-Pertua Dewan Negara
(Mengangkat sumpah pada 26.04. 2010)
3. **Y.B. SENATOR DATO' MOHAMMED NAJEEB BIN ABDULLAH** - UMNO
(Mengangkat sumpah pada 26.04.2010)
4. **Y.B. SENATOR DATO' PALANIVEL A/L K. GOVINDASAMY** - MIC
(Timbalan Menteri Perusahaan Perladangan dan Komoditi)
(Mengangkat sumpah pada 03.05.2010)
5. **Y.B. SENATOR DATO' ABDUL RAHIM BIN ABDUL RAHMAN** - UMNO
(Mengangkat sumpah pada 03.05.2010)
6. **Y.B. SENATOR PUAN HAJAH NORIAH BINTI MAHAT** - UMNO
(Mengangkat sumpah pada 03.05.2010)
7. **Y.B. SENATOR TUAN MOHAMAD EZAM BIN MOHD NOR** - UMNO
(Mengangkat sumpah pada 03.05.2010)
8. **Y.B. SENATOR DATO' DONALD LIM SIANG CHAI** - MCA
Timbalan Menteri Kewangan
(Mengangkat sumpah pada 02.06.2010)
9. **Y.B. SENATOR TUAN GAN PING SHOU @ GAN PING SIEU** - MCA
Timbalan Menteri Belia dan Sukan
(Mengangkat sumpah pada 02.06.2010)



Senator Tuan Mohamad Ezam Bin Mohd Nor



Senator Puan Chew Lee Giok



Senator Tuan Pau Chiong Ung



Senator Tuan Khoo Soo Seang



Senator Tuan Boon Som A/L Inong



Senator Puan Mariany Binti Mohammad Yit

10. **Y.B. SENATOR DATUK MAGLIN A/L DENNIS D'CRUZ** - PPP
(Timbalan Menteri Penerangan Komunikasi dan Kebudayaan)
(Mengangkat sumpah pada 02.06.2010)
11. **Y.B. SENATOR PUAN HAJAH DAYANG MADINAH BINTI TUN ABANG HAJI OPENG** - PBB
(Mengangkat sumpah pada 19.07.2010)
12. **Y.B. SENATOR PUAN CHEW LEE GIOK** - MCA
(Mengangkat sumpah pada 13.12.2010)
13. **Y.B. SENATOR TUAN PAU CHIONG UNG** - PDPS
(Mengangkat sumpah pada 13.12.2010)
14. **Y.B. SENATOR TUAN KHOO SOO SEANG** - MCA
(Mengangkat sumpah pada 13.12.2010)
15. **Y.B. SENATOR TUAN BOON SOM A/L INONG** - UMNO
(Mengangkat sumpah pada 15.12.2010)
16. **Y.B. SENATOR PUAN MARIANY BINTI MOHAMMAD YIT** - UMNO
(Mengangkat sumpah pada 15.12.2010)

Memori



Y.B. Datuk Dr Zainal Abidin Ahmad, 71, Ahli Parlimen Hulu Selangor daripada Parti Keadilan Rakyat (PKR), meninggal dunia akibat barah otak pada 25 Mac 2010. Allahyarham meninggalkan isteri, Datin Siti Zaharah

Mohd. Zin dan empat orang anak. Y.B. Datuk Dr Zainal Abidin merupakan bekas Timbalan Menteri Besar Selangor dari 1999 hingga awal 2004 ketika dalam UMNO dan pernah menjadi Exco kerajaan negeri selama lapan tahun selain Ketua UMNO Bahagian Hulu Langat selama 14 tahun. Pada Mac 2005, beliau mengambil keputusan meninggalkan UMNO dan menyertai PKR. Allahyarham kemudian memenangi kerusi Parlimen Hulu Selangor di bawah tiket PKR dengan mengalahkan calon Barisan Nasional (BN) daripada MIC, Datuk G. Palanivel pada Pilihan Raya Umum 2008. Beliau hanya memenangi kerusi itu dengan majoriti 198 undi. Y.B. Datuk Dr Zainal Abidin mendapat 23,177 undi manakala Palanivel mendapat 22,979 undi.

Y.B. Datuk Robert Lau Hoi Chew, 68, Ahli Parlimen Sibu yang juga Timbalan Menteri Pengangkutan, meninggal dunia selepas menghidap barah hati pada 9 April 2010 lalu. Pada Pilihan Raya Umum Ke-12 lalu, mendiang menewaskan calon DAP, Wong Ho Leng dan calon Parti Keadilan Rakyat (PKR), Lim Chin Chuang dengan majoriti 3,235 undi. Mendiang yang merupakan Naib Presiden Parti Bersatu Rakyat Sarawak (SUPP) juga pernah memegang jawatan Timbalan Menteri Perumahan dan Kerajaan Tempatan (2004-2009) dan Pengerusi Majlis Perbandaran Sibu (1999-2004).



Y.B. Datuk Edmund Chong Ket Wah, 54, Ahli Parlimen Batu Sapi meninggal dunia akibat terbabit dalam satu kemalangan jalan raya pada 9 Oktober 2010. Y.B. Edmund merupakan Pengerusi Lembaga Perlesenan Kenderaan Perdagangan (LPKP) Sabah. Pada pilihan raya umum 2008 lalu, mendiang menang kerusi Parlimen Batu Sapi setelah menewaskan calon Bebas, Chung Kwong Wing dengan majoriti 3,708 undi. Beliau memperoleh 9,479 undi manakala, Kwong Wing mendapat 5,771 undi. Kali pertama mendiang menjadi Ahli Parlimen adalah pada 2004 selepas menang tanpa bertanding di kerusi Parlimen Batu Sapi. Beliau juga Bendahari Parti Bersatu Sabah (PBS) negeri dan Ketua PBS Bahagian Elopura.

Majlis Perasmian

Parlimen Mesyuarat Pertama,
Penggagal Ketiga, Parlimen Kedua Belas

pada 15 Mac 2010





Sekitar peristiwa yang dirakam.



TITAH SERI PADUKA BAGINDA YANG DI-PERTUAN AGONG AL-WATHIQU BILLAH TUANKU MIZAN ZAINAL ABIDIN IBNI ALMARHUM SULTAN MAHMUD AL-MUKTAFI BILLAH SHAH

Isnin, 15 Mac 2010

*Bismillaahir Rahmaanir Rahiim Alhamdulillah
Rabbil 'Alamin Wabihi Nasta'in
Assalamualaikum Warahmatullaahi Wabarakaatuh
dan Salam Sejahtera*

**Yang di-Pertua Dewan Negara, Yang di-Pertua
Dewan Rakyat,**

**Ahli-ahli Dewan Negara dan Ahli-Ahli Dewan Rakyat
sekalian.**

Alhamdulillah, Beta memanjatkan rasa syukur ke hadrat Allah Subhanahu Wata'ala, kerana dengan izin serta limpah kurnia-Nya, dapat Beta dan Raja Permaisuri Agong bersama-sama berangkat hadir ke Istiadat Pembukaan Penggal Ketiga, Parlimen Kedua Belas pada hari ini. Beta juga turut memanjatkan kesyukuran di atas nikmat kemakmuran, keselamatan dan keamanan yang dikecap oleh negara selama ini. Beta sentiasa berdoa agar negara kita terus maju dan rakyat hidup dalam harmoni serta menumpahkan taat setia yang tidak berbelah bagi kepada tanah air yang tercinta.

Mesyuarat Pertama, Penggal Ketiga ini merupakan yang pertama Beta menyampaikan titah sejak Mamanda Perdana Menteri Beta memegang tampuk kepimpinan negara. Beta mengucapkan tahniah kepada Mamanda Perdana Menteri dan barisan Jemaah Menterinya kerana sejak 11 bulan yang lalu, kerajaan Beta di bawah kepimpinan Mamanda Perdana Menteri telah berjaya melaksanakan pelbagai program demi meningkatkan kesejahteraan rakyat. Para pemimpin hendaklah mencontohi Mamanda Perdana Menteri dengan turun padang untuk mendampingi rakyat bagi memahami dengan lebih dekat akan masalah mereka dan jalinkan hubungan yang rapat dengan rakyat di semua peringkat.

Beta menyambut baik Gagasan 1Malaysia, Rakyat Didahulukan, Pencapaian diutamakan yang berpaksikan Perlembagaan Persekutuan. Kerajaan Beta telah menetapkan enam Bidang Keberhasilan Utama Nasional atau NKRA yang perlu dicapai iaitu meluaskan akses kepada pendidikan berkualiti dan berkemampuan, menambah baik pengangkutan awam, memerangi rasuah, mengurangkan kadar jenayah, memperkasa prasarana luar bandar dan pedalaman serta meningkatkan taraf hidup rakyat berpendapatan rendah. Sesungguhnya, Pelan Hala Tuju Program Transformasi Kerajaan yang dilancarkan pada 28 Januari 2010 adalah satu program yang berani. Beta sukacita rakyat menyambut baik akan komitmen-komitmen kerajaan tersebut. Rakyat hendaklah berganding bahu bersama-sama kerajaan Beta agar Program Transformasi Kerajaan berjaya dilaksanakan.

Ahli-ahli Yang Berhormat,

Alhamdulillah, ekonomi negara kini semakin pulih daripada kesan kemelesetan ekonomi global dengan Keluaran Dalam Negeri Kasar suku keempat tahun 2009 kembali mencatat pertumbuhan positif sebanyak 4.5 peratus, iaitu lebih baik daripada unjuran 3 peratus. Perkembangan yang

menggalakkan ini antara lain adalah hasil pelaksanaan 2 pakej rangsangan ekonomi bernilai RM67 bilion serta disokong oleh permintaan dalam dan luar negara yang semakin kukuh. Walaupun kemelesetan ekonomi global telah mengakibatkan pelbagai kesukaran, namun terdapat hikmat di sebaliknya. Ini telah mendorong semua pihak berusaha menggunakan sepenuhnya sumber dan peluang yang ada untuk membawa negara keluar daripada kesukaran tersebut.

Beta sukacita dengan usaha kerajaan Beta di bawah kepimpinan Mamanda Perdana Menteri yang telah menjadikannya satu peluang untuk mentransformasikan negara ke arah masa hadapan yang lebih baik. Kerajaan Beta amat komited dalam memastikan projek-projek pembangunan disiapkan mengikut jadual, berkualiti dan memberi pulangan setimpal dengan peruntukan yang dibelanjakan. Untuk ini, aspek pemantauan sentiasa dipertingkatkan bagi memastikan ianya mencergaskan aktiviti ekonomi negara dan memberi kesejahteraan kepada rakyat. Semua agensi kerajaan akan terus memberi penekanan kepada impak dan keberkesanan program serta projek berbanding mementingkan output semata-mata.

Kerajaan Beta telah membelanjakan peruntukan yang besar untuk pelbagai subsidi bagi meringankan bebanan rakyat. Pada tahun 2009 sahaja sebanyak RM24.5 bilion telah dibelanjakan untuk tujuan tersebut. Pemberian subsidi bukan sahaja dinikmati oleh golongan sasaran malahan turut dikecap oleh mereka yang tidak layak, misalnya golongan berpendapatan tinggi dan warga asing. Pemberian subsidi akan distruktur semula dan dikurangkan secara berperingkat. Walau bagaimanapun, kumpulan sasaran seperti kumpulan mudah miskin akan terus dibantu agar mereka tidak terbeban. Justeru, Beta menyeru agar rakyat berpandangan jauh dan bersedia menerima perubahan ini.

Ahli-ahli Yang Berhormat,

Usaha kerajaan Beta memperkenalkan model ekonomi baru untuk menjadikan Malaysia negara berpendapatan tinggi dan maju adalah satu langkah berpandangan jauh. Model ini memberi penekanan kepada inovasi, kreativiti dan nilai tambah yang tinggi. Beta menyeru semua pihak supaya bersama-sama menjayakan matlamat tersebut demi negara tercinta. Tumpuan akan terus diberi kepada bidang-bidang yang negara mempunyai kelebihan, berpotensi dan rangkaian nilai tambah yang tinggi serta dapat menjana pulangan yang lebih besar. Ini termasuk sektor perkhidmatan terutamanya kewangan, pelancongan, pendidikan, kesihatan dan perdagangan. Pada masa yang sama, sektor-sektor lain seperti pembuatan, pertanian dan komoditi akan terus diberi keutamaan.

Beta bangga dengan kepakaran Malaysia dalam bidang perbankan Islam dan kedudukan Malaysia sebagai pusat sukuk terbesar dunia dengan menguasai lebih 60 peratus pasaran sukuk global. Pemulihan ekonomi global hendaklah digunakan sebagai peluang untuk menarik lebih banyak syarikat menjadikan Malaysia sebagai pusat untuk menerbit sukuk, memandangkan Malaysia mempunyai

prasarana dan persekitaran pasaran yang kondusif.

Usaha Kerajaan Beta meliberalisasikan peraturan berkaitan sektor pembuatan dan perkhidmatan secara komprehensif dan garis panduan berkaitan pemilikan ekuiti asing akan meningkatkan lagi proses pemindahan teknologi dan bina upaya tempatan. Langkah ini turut menggalakkan lagi pelaburan asing dan memperkukuhkan keupayaan serta daya saing industri tempatan.

Memandangkan perusahaan kecil dan sederhana atau PKS merupakan 99 peratus daripada jumlah pertubuhan perniagaan di Malaysia, maka pelbagai program pembangunan akan dipertingkatkan untuk mentransformasikan PKS agar lebih berdaya saing dan menghasilkan nilai yang tinggi. Dalam memantapkan rantai nilai tambah tinggi, sektor perdagangan dan aktiviti yang berkaitan juga merupakan antara penyumbang penting untuk merencanakan pertumbuhan ekonomi negara.

Selaras dengan ini, Pelan Induksi Perdagangan Pengeedaran akan diperkenalkan bagi menggalakkan pembangunan sektor tersebut. Aktiviti koperasi dan francais juga akan terus diberi sokongan supaya menjadi antara pemangkin utama dalam sektor perdagangan pengeedaran. Beta sukacita sektor pelancongan terus kekal menyumbang kepada pertumbuhan ekonomi negara dan sumber pendapatan pertukaran wang asing. Langkah-langkah akan terus dipertingkatkan untuk menggalakkan kedatangan pelancong yang berbelanja besar dan tinggal lebih lama dengan menggiatkan pembangunan produk-produk pelancongan berimpak tinggi.

Dalam usaha untuk memperkasa dan mentransformasikan sektor pertanian, satu dasar baru berkaitan sektor agromakanan akan digubal. Dasar ini meliputi usahausaha ke arah meningkatkan pengeluaran makanan tempatan bagi menjamin bekalan makanan yang selamat dan mencukupi, meningkatkan produktiviti dan daya saing serta melibatkan penyertaan aktif pihak swasta.

Kerajaan Beta akan terus menggalakkan aktiviti penyelidikan dan pembangunan dalam sektor komoditi bagi menghasilkan teknologi dan inovasi yang boleh meningkatkan produktiviti sektor tersebut. Manakala, penghasilan produk-produk baru bernilai tambah tinggi dan penerokaan pasaran baru turut diberikan penekanan. Kerajaan Beta juga akan memberi tumpuan kepada pembangunan industri aeroangkasa dengan menjadikan Lapangan Terbang Sultan Abdul Aziz Shah, Subang sebagai Pusat Aeroangkasa Antarabangsa Malaysia. Insentif-insentif tertentu akan dipertimbangkan sebagai sokongan kepada pembangunan industri tersebut.

Sukan turut berpotensi menjadi industri yang boleh menjana pertumbuhan ekonomi negara. Industri ini berupaya mewujudkan peluang pekerjaan, menggalakkan pengeluaran produk yang berkaitan sukan, menjana pendapatan daripada pengiklanan dan penjualan masa siaran serta menggiatkan industri pelancongan berkaitan sukan. Untuk memajukan industri tersebut, para atlet hendaklah meningkatkan prestasi ke tahap tertinggi dan persatuan-persatuan sukan meningkatkan aspek pengurusan agar sukan dapat diuruskan dengan cekap. Masyarakat pula hendaklah tidak melihat sukan sebagai kegiatan riadah semata-mata sebaliknya sebagai kerjaya yang boleh membawa pendapatan tinggi.

Beta dengan sukacitanya mengucapkan syabas dan tahniah kepada Dato' Lee Chong Wei dengan menjuarai

perseorangan lelaki di kejohanan Badminton All England semalam. Kemenangan ini amat besar maknanya kepada negara kita dalam menjayakan Gagasan 1 Malaysia.

Ahli-Ahli Yang Berhormat,

Sesungguhnya, dalam era persaingan global, kejayaan masa hadapan negara memerlukan modal insan yang berpengetahuan, kreatif, berintegriti, memiliki daya usaha yang kuat dan semangat keusahawanan yang tinggi. Sehubungan ini, pembangunan modal insan secara holistik akan melibatkan pengukuhan keseluruhan sistem pendidikan negara bagi memastikan setiap individu berpeluang untuk menyerlahkan potensi dan bakat secara maksimum.

Beta menyambut baik usaha untuk memperluaskan akses kepada pendidikan prasekolah, meningkatkan penguasaan literasi dan numerasi murid serta membangunkan sekolah berprestasi tinggi. Semua sekolah sama ada sekolah Kerajaan atau sekolah bantuan Kerajaan sentiasa mendapat perhatian Kerajaan Beta. Beta juga mengulaulangkah syarikat-syarikat berkaitan Kerajaan menjadikan sekolahsekolah tertentu sebagai anak angkat bagi mempertingkatkan pencapaian sekolahsekolah tersebut.

Berikutan kejayaan Program PERMATA Negara, Kerajaan Beta akan memperkasakan lagi program tersebut dengan memperkenalkan beberapa program baru seperti PERMATA Pintar, PERMATA Seni, PERMATA Insan dan PERMATA Remaja. Program ini akan melahirkan generasi baru yang akan memacu negara ke masa hadapan yang lebih cemerlang. Dasar baru pendidikan yang antaranya memartabatkan Bahasa Malaysia, memperkukuh penguasaan Bahasa Inggeris serta meningkatkan penggunaan teknologi maklumat dan komunikasi akan memantapkan lagi sistem pendidikan negara.

Penekanan juga akan diberikan kepada bidang kemahiran vokasional, transformasi kurikulum dan sistem penilaian pelajar secara holistik. Sebagai kesinambungan kepada usaha melahirkan modal insan yang berkualiti dan menepati kehendak pasaran, institusi-institusi pengajian tinggi awan dan institusi-institusi latihan akan menilai semula kurikulum dan mempertingkat kolaborasi dengan pihak industri bagi meningkatkan kebolehpasaran dan keusahawanan graduan. Pada masa yang sama, usaha mentransformasikan politeknik ke arah politeknik premier dan politeknik metro serta kolej komuniti menjadi hab pembelajaran sepanjang hayat sedang dilaksanakan.

Manakala golongan belia, yang terdiri daripada 40 peratus penduduk negara adalah merupakan pelapis kepimpinan pada masa hadapan dan aset terpenting negara. Beta berharap bakat dan potensi mereka akan digembleng dan Beta menyeru golongan belia supaya mengubah cara berfikir dan bersedia memikul tanggungjawab yang lebih besar.

Ahli-ahli Yang Berhormat,

Beta menyambut baik Dasar Inovasi Negara yang akan menjadi rangka tindakan kepada pelaksanaan agenda inovasi bagi melonjakkan pertumbuhan ekonomi negara ke tahap yang lebih tinggi. Sehubungan itu, Pusat Inovasi Negara akan ditubuhkan sebagai pusat sehati bagi pihak akademia, industri, badan bukan kerajaan dan orang perseorangan mencetuskan idea dalam usaha meningkatkan penyelidikan, pembangunan dan pengkomersialan.

Pengisytiharan Malaysia Inovatif 2010 akan

menyemarakkan lagi budaya inovasi dan kreativiti di kalangan rakyat. Usaha Kerajaan Beta untuk beralih pantas kepada ekonomi berasaskan pengetahuan dan merencanakan aktiviti K-insentif memerlukan rangkaian infrastruktur berkualiti tinggi. Sehubungan ini, Beta berharap sasaran penembusan jalur lebar kepada 50 peratus daripada isi rumah dan liputan selular kepada 97 peratus kawasan berpenduduk dapat dicapai pada akhir tahun ini. Bagi memastikan penyampaian maklumat lebih cepat, kos efektif dan mesra pengguna, pangkalan data interaktif akan terus dipertingkatkan.

Kerajaan Beta juga komited untuk memajukan industri kreatif yang berpotensi menjana pertumbuhan ekonomi negara. Di samping mencipta lebih banyak peluang pekerjaan, industri tersebut juga berupaya menjadi pemangkin bagi memupuk budaya dan menyemai identiti nasional. Bagi menyokong matlamat untuk memacu pelaksanaan model ekonomi baru, pembangunan sektor tenaga akan diberi tumpuan bagi memastikan bekalan tenaga yang terjamin, kos efektif dan mesra alam. Dasar tenaga yang baru akan digubal meliputi usaha mempelbagaikan sumber tenaga negara terutamanya hidro dan sumber tenaga boleh diperbaharui serta mendorong penggunaan tenaga secara cekap dan pengagihan secara kos efektif.

Peralihan kepada pembangunan tenaga berasaskan teknologi hijau adalah satu langkah yang tidak bijak dan berpandangan jauh. Teknologi hijau akan memainkan peranan penting sebagai jentera pertumbuhan baru negara. Pelbagai inisiatif telah diambil untuk memacu pembangunan teknologi ini termasuk menyediakan pelbagai insentif kepada syarikat-syarikat yang membekal dan memanfaatkan teknologi tersebut.

Ahli-Ahli Yang Berhormat,

Perkhidmatan Awam yang cekap, berkesan dan pantas dalam memberi respons serta berintegriti amat penting untuk menyokong peralihan kepada model ekonomi baru. Oleh itu, Beta menyeru supaya inovasi menyeluruh dilaksanakan bagi mentransformasikan sistem penyampaian Perkhidmatan Awam. Ini adalah selaras dengan peranannya sebagai pemudahcara kepada masyarakat perniagaan dan pelabur.

Beta prihatin terhadap pandangan masyarakat mengenai rasuah. Beta mengalu-alukan komitmen dan kesungguhan Kerajaan Beta untuk memerangi rasuah. Beta berharap rakyat akan terus memberi sokongan kepada Kerajaan dan melaporkan jenayah tersebut dengan penuh tanggungjawab. Sehubungan ini, Rang Undang-undang Perlindungan Pemberi Maklumat sedang digubal bagi melindungi pengadu yang membuat pendedahan rasuah.

Kerajaan Beta akan terus memainkan peranan yang aktif di peringkat antarabangsa bagi memastikan Malaysia terus bersuara, menyumbang pandangan dan tenaga untuk menjamin keamanan, keselamatan dan kemakmuran dunia. Beta sukacita dengan kemajuan kerjasama serantau terutamanya pewujudan Piagam ASEAN dalam usaha untuk membentuk Komuniti ASEAN menjelang 2015. Dasar luar dan kepentingan negara akan terus dipromosi dan dipertahankan bagi memastikan hubungan dan kerjasama dalam pelbagai bidang dengan negara-negara asing terus berkembang.

Dalam usaha meningkatkan lagi keupayaan negara untuk bersaing bagi mendapatkan pasaran perdagangan yang lebih

luas dan eksklusif serta menarik pelaburan asing, kerajaan Beta komited untuk melaksanakan proses liberalisasi perdagangan dan mengambil langkah-langkah mengenal pasti negara dan rantau yang beroperasi untuk diadakan perjanjian dan memulakan rundingan perdagangan bebas.

Ahli-Ahli Yang Berhormat,

Semua program dan projek yang dilaksanakan akan berasaskan kepada keperluan, kebajikan dan kesejahteraan rakyat tanpa mengira kaum dan agama. Selaras dengan ini, Kerajaan Beta akan terus membela nasib golongan berpendapatan rendah dan yang memerlukan. Bagi memastikan mereka menikmati kehidupan yang lebih selesa, Jaringan Keselamatan Sosial telah diperluaskan dan kecekapan penyampaian bantuan dipertingkatkan di mana ia dapat disampaikan kepada penerima pada setiap 1 hari bulan.

Pada masa yang sama, Kerajaan Beta akan melaksanakan pendekatan kebajikan produktif bagi mengurangkan kebergantungan golongan berpendapatan rendah kepada bantuan kebajikan. Kerajaan Beta akan terus mempertingkatkan kualiti kehidupan rakyat dengan merapatkan jurang pembangunan antara kawasan bandar dan luar bandar. Sehubungan ini, pembangunan infrastruktur asas luar bandar akan diperluas dan dipercepatkan pelaksanaannya meliputi pembinaan jalan luar bandar terutama di Sabah dan Sarawak. Kesejahteraan dan kebajikan rakyat di bandar dan luar bandar serta yang jauh di kawasan pedalaman akan sentiasa diberi perhatian.

Ahli-Ahli Yang Berhormat,

Bagi meningkatkan taraf hidup dan pendapatan masyarakat di luar Bandar termasuk masyarakat Orang Asli dan Bumiputera Sabah dan Sarawak, program Lonjakan Mega Luar Bandar yang bermatlamat menghapuskan kemiskinan tegar melalui pelaksanaan projek-projek agropolitan akan terus dilaksanakan.

Usaha-usaha membangunkan generasi baru FELDA akan diteruskan melalui program latihan kemahiran yang meliputi kerjasama dengan pihak swasta dalam bidang berprofil tinggi serta mempunyai pasaran kerja yang baik. Di samping itu, lebih banyak rumah mampu milik akan dibina di tanah rancangan atau kawasan berhampiran yang sesuai. Ini akan menggalakkan lebih banyak pusat pertumbuhan baru dan mengurangkan penghijrahan belia ke bandar.

Kerajaan Beta juga prihatin akan kebajikan dan kesejahteraan golongan rakyat berpendapatan rendah di bandar. Kerajaan Beta akan terus berusaha menyediakan kemudahan perumahan yang selesa dilengkapi dengan prasarana asas bagi kesejahteraan golongan ini. Langkah membolehkan rakyat memiliki rumah sendiri dengan membeli rumah di bawah Program Penjualan Projek Perumahan Rakyat di Wilayah Persekutuan Kuala Lumpur adalah satu usaha murni.

Beta berharap langkah yang serupa akan dapat dilaksanakan di seluruh negara. Sebagai usaha mengurangkan bebanan rakyat bagi mendapatkan rawatan perubatan, Kerajaan Beta telah memperkenalkan Klinik 1Malaysia yang kini semakin popular di kalangan rakyat. Beta berharap lebih banyak program kesejahteraan rakyat seumpama ini dapat dilaksanakan. Di samping inisiatif kerajaan untuk meningkatkan kualiti hidup rakyat, rakyat juga hendaklah bertanggungjawab ke atas kesihatan diri dengan mengamalkan gaya hidup sihat termasuk beriadah, mengurangkan pengambilan gula, berhenti merokok dan

aktif dalam aktiviti kemasyarakatan.

Kepentingan dan kebajikan golongan wanita terus mendapat perhatian kerajaan Beta. Bagi membangunkan sepenuhnya potensi wanita dalam semua bidang, Dasar Wanita Negara dan Pelan Tindakan Pembangunan Wanita yang komprehensif telah disediakan. Ini menjadi asas kepada kerajaan, sektor swasta serta penubuhan bukan kerajaan untuk melaksanakan program pembangunan wanita yang lebih mantap dan berkesan.

Kerajaan Beta sentiasa prihatin terhadap golongan orang kurang upaya untuk menjalani kehidupan inklusif bersama-sama anggota masyarakat yang lain. Beta menyeru sektor swasta khususnya agar memberi peluang pekerjaan kepada golongan ini supaya mereka bersama-sama dapat menyumbang kepada pembangunan negara. Rakyat juga hendaklah lebih prihatin kepada keperluan kumpulan ini.

Ahli-ahli Yang Berhormat,

Beta maklum akan keresahan rakyat yang tidak berpuas hati dengan kualiti perkhidmatan pengangkutan awam terutamanya di Lembah Klang. Sehubungan itu, langkah-langkah sedang diambil untuk mempertingkatkan pengangkutan awam, namun perubahan tidak dapat dilakukan dalam sekelip mata kerana penyediaan infrastruktur, tenaga kerja yang terlatih dan perolehan aset mengambil masa serta perbelanjaan yang besar.

Beta bangga dengan komitmen kerajaan Beta terhadap isu perubahan iklim dan pemanasan global yang boleh menjejaskan alam sejagat. Sehubungan ini, Malaysia telah mengumumkan penetapan secara sukarela sasaran bagi mengurangkan pelepasan gas-gas rumah hijau sebanyak 40 peratus berasaskan intensiti karbon menjelang tahun 2020 berbanding tahun 2005 tertakluk kepada syarat-syarat antaranya pemindahan teknologi dan bantuan kewangan. Komitmen kerajaan ini memerlukan penglibatan dan kerjasama semua pihak bagi menjayakannya.

Ahli-ahli Yang Berhormat,

Beta ingin mengingatkan bahawa perpaduan dan saling hormat-menghormati antara kaum dan agama yang menjadi tunjang kekuatan negara mesti dipelihara. Amalan berbaik sangka, saling menghormati dan bekerjasama antara rakyat pelbagai kaum dan agama melahirkan masyarakat Malaysia yang mesra, aman dan bertoleransi. Kedudukan Islam sebagai agama Persekutuan di samping agama-agama lain bebas untuk diamalkan hendaklah dihormati. Beta menyeru semua pemimpin agama supaya mempunyai rasa tanggungjawab untuk memelihara keharmonian beragama di kalangan penganut agama masing-masing.

Kebebasan bersuara adalah ciri masyarakat yang demokratik dan matang. Namun, kebebasan bersuara bukanlah satu alasan untuk mana-mana pihak memburukburuk pihak lain sehingga mencetuskan api perbalahan dan sentimen perkauman. Beta amat dukacita kerana ada pihak-pihak di dalam dan luar negara mengambil kesempatan menangguk di air yang keruh sehingga menggadaikan ketenteraman awam dan maruah negara. Beta menyeru semua pihak supaya mengambil iktibar dari titik hitam dalam sejarah negara dan mengelak daripada mencetuskan isu-isu sensitif yang boleh menggugat ketenteraman awam dan keharmonian hidup rakyat.

Beta juga dukacita kerana masih terdapat banyak perbuatan fitnah, pembohongan dan putar belit fakta terutamanya dalam media baru. Semua yang terlibat hendaklah sedar

perbuatan ini tidak diterima oleh mana-mana agama. Beta menyeru pihak-pihak berkenaan menghentikan perbuatan tidak bertanggungjawab tersebut. Di samping itu, pihak berkuasa hendaklah mengambil tindakan tegas terhadap pihak-pihak yang terbabit.

Pembanterasan jenayah termasuk jenayah jalanan yang menggusarkan rakyat sentiasa diberi perhatian serius oleh Kerajaan Beta. Indeks jenayah keseluruhan akan dikurangkan sebanyak 5 peratus dan jenayah jalanan seperti ragut dan samun dikurangkan sebanyak 20 peratus pada akhir tahun ini. Penempatan lebih ramai anggota Polis Diraja Malaysia, ikatan Relawan Rakyat dan Jabatan Pertahanan Awam Malaysia di lokasi-lokasi panas telah bermula menunjukkan impak positif.

Peranan Angkatan Tentera Malaysia tidak terhad sebagai benteng pertahanan negara, malah turut terlibat dalam pelbagai misi pengaman di luar negara dan bantuan kemanusiaan. Penglibatan Angkatan Tentera Malaysia di peringkat antarabangsa merupakan satu pengiktirafan kepada Malaysia sebagai salah sebuah negara yang terlibat dalam misi pengaman di bawah panji-panji Pertubuhan Bangsa-Bangsa Bersatu.

Ahli-Ahli Yang Berhormat,

Beta menyeru seluruh rakyat supaya sentiasa memelihara dan mengharumkan nama dan maruah negara. Apa jua bidang sama ada reka cipta, inovasi, sukan, kebudayaan, kesenian dan sebagainya yang disertai untuk mewakili negara hendaklah dilakukan dengan semangat juang yang tinggi. Dalam hubungan ini, Kerajaan Beta sentiasa memberi galakan dan sokongan untuk mendorong rakyat mencapai kecemerlangan sehingga ke peringkat antarabangsa. Bersatu padu dan bekerjasama rapat merentas batas parti serta ideologi politik demi kesejahteraan rakyat dan kemajuan negara hendaklah sentiasa diamalkan. Hanya dengan semangat perpaduan dan ketaatan yang tidak berbelah bagi kepada negara akan membolehkan kita berjaya menangani sebarang cabaran yang mendatang.

Sejak dua penggal berturut-turut sebelum ini, Beta telah mengingatkan Ahli-ahli Yang Berhormat supaya menunjukkan sifat dan perilaku terpuji dalam Dewan yang mulia ini. Beta dukacita masih terdapat Ahli-ahli Yang Berhormat mempamerkan tingkah laku dan tutur kata yang tidak mencerminkan keperibadian sebagai wakil rakyat. Ketahuilah, Ahli-ahli Yang Berhormat sentiasa diperhatikan oleh rakyat. Ahli-ahli Yang Berhormat hendaklah berhujah dengan bernas dan tidak membangkitkan perkara remeh temeh yang boleh menjejaskan imej dan maruah sendiri serta kemuliaan Dewan ini.

Akhir titah, dalam persekitaran dunia masa kini yang semakin mencabar, Beta menyeru Ahli-ahli Yang Berhormat, anggota-anggota Perkhidmatan Awam, Polis Diraja Malaysia, Angkatan Tentera Malaysia dan seluruh rakyat agar bersama-sama menyumbang dengan meningkatkan kecekapan bagi mentransformasikan negara ke tahap ekonomi berpendapatan tinggi dan kualiti kehidupan rakyat yang lebih baik dan selamat. Beta dan Raja Permaisuri Agong sentiasa mendoakan semoga dengan usahausaha ini negara kita akan terus dirahmati Allah Subhanahu Wata'ala dan dilimpahi kemakmuran serta kesejahteraan yang berkekalan.

***Sekian, Wabillahi Taufik Walhidayah,
Wassalamu Alaikum Warahmatullahi Wabarakatuh.***